



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**MOPHATO 12**

**SETSWANA PUO YA GAE (HL)**

**PAMPIRI YA NTLHA (P1)**

**NGWANAITSEELE 2023**

**KAEDI YA GO TSHWAYA**

**MADUO: 70**

**Kaedi e ya go tshwaya e na le ditsebe di le 7.**

## KAROLO YA A: TEKATLHALOGANYO

### Mokgwa wa go tshwaya Tekatlhaloganyo

- Motlhatlhojwa a se sokelwe dirope fa dikarabo di na le mopeleto o o fosagetseng le diphoso tsa puo ntle le fa diphoso tseo di fetola bokao gonne go tobilwe go tlhaloganya. (Diphoso di nne di supiwe.)
- Fa motlhatlhojwa a dirisa mafoko a puo e sele mo go e e tlhatlhobiwang, ikgatholose mafoko ao, mme fa karabo e santse e tlhaloganyega, o se ke wa mo jela maduo. Fela, lefoko le le tswang mo puong e sele le a amogelesega fa le dirisitswe mo sethangweng e bile le tlhokega mo karabong.
- Mo dipotsong tse di bulegileng, dikarabo tsa EE>NNYAYA/kgotsa KE A DUMELA/ GA KE DUMELANE di se abelwe maduo. Lebaka/tshegetso ke yona e e tshwanetseng go tsewa tsia.
- NNETE/FOSAGETSE kgotsa NTLHA/KAKANYO e se abelwe leduo lepe. Lebaka/Tshegetso ke yona e e tshwanetseng go tsewa tsia.
- Fa go tlhokega karabo ya lefoko le le lengwe mme motlhatlhojwa a neetse polelo yotlhe, mo tshwae ka nepagalo fa e le gore lefoko le le nepagetseng le thaletswe/ le ntshofaditswe.
- Fa go tlhokiwa dintlha di le pedi/tharo mme go tlhagisitswe tse dintsi, go tshwaiwe fela tse pedi/tharo tsa ntlha.
- Amogela dipharologano tsa diteme.
- Mo dipotsong tse go tlhophiwang karabo e e nepagetseng mo go tsona, amogela tlhaka e e nyalanang le karabo e e nepagetseng LE/KGOTSA karabo e kwadilweng ka botlalo.

## POTSO 1

- |     |       |   |     |
|-----|-------|---|-----|
| 1.1 | 1.1.1 | C/Mpumalanga.   | (1) |
|     | 1.1.2 | Dikhutikhuti tse di mo tseleng tse di neng di dira gore leeto le nne lelelele./Ditsela tse di maswe./Bolelele jwa leeto.                              | (1) |
|     | 1.1.3 | Go robala go le gonne/Go tshwarwa ke borokonyana.   | (2) |
|     | 1.1.4 | Ba ne ba lemogile gore botaki bo ne bo le mo pelong le mo mading a gagwe/o ne a na le phisegelo ya go taka./Ba ne ba batla go mo katisa/ruta go taka. | (2) |
|     | 1.1.5 | Ke go lemoga tokafalo mo botaking jwa gagwe.  | (2) |
|     | 1.1.6 | Ba ne ba botsolotsa bomorwae mme ba ba kaela fa a dira kwa meusiamong wa Botshabelo.  | (2) |
|     | 1.1.7 | Ke bontle jwa botaki jwa ntlo ya gagwe/Ke mokgwa o a neng a takile ntlo ya gagwe bontle ka teng/ Botaki jo bo itlhaotseng jwa ntlo ya gagwe.          | (2) |
|     | 1.1.8 | Ke mokgwa wa gagwe o o sa tlwaelegang wa go dirisa menwana le mafofa a dikoko go kgabisa lebota.  | (2) |

- 1.1.9 Nnyaya, gonne mmemogolo o ne a dumela go ya go taka kwa dipontshong tsa kwa Fora kwa a ntseng gona dikgwedi di le pedi./ Ba ungwile kitso e e tebileng ya botaki jwa Setebele. (2)
- 1.1.10 O ne ka gale a tsenya dikgabisa tse di bidiwang 'dzilla' mo matsogong a gagwe./O ne a bolelela Mafora gore o tlaa taka fa fela a ka bona peelo ya gore setso sa gagwe se bolokesegile. (2)
- 1.1.11 O simolotse sekolo sa botaki kwa ga gagwe a ruta bašwa go taka. (2)
- 1.1.12 Ke ntlha. O ne a abelwa dikgele tse di farologaneng lefatshe ka bophara/a abelwa bongaka jwa tlotlo. (2)
- 1.1.13 Ke ne ke tlaa itumela/ke ne ke tlaa nna motlotlo gonne ke tlaa bo ke itsiwe ke batho ba le bantsi/tlotliwa/ke nna le madi a mantsi a ke tlaa itschedisang ka ona.  
(Dikarabo tsa bathhatlhojwa tse di nepagetseng di elwe tlhoko.) (2)
- 1.2 1.2.1 Bobedi di bua ka botaki/Go dirisiwa pente mo go tsona ka bobedi. (2)
- 1.2.2 Mo go Setlhanga A motaki ke mosadi/mmemogolo fa mo go Setlhanga B motaki e le monna/mošwa./Mo go Setlhanga A motaki o dirisa mafofa/o thala ka menwana fa mo go Setlhanga B motaki a dirisa boraše ba go penta.  
Mo go Setlhanga A motaki ke motho yo montsho fa mo go Setlhanga B motaki e le mosweu.  
Mo go Setlhanga A go takiwa matlo fa mo go Setlhanga B go takiwa ditshwantsho. (2)
- 1.2.3 Ee, go botlhokwa gonne botaki bo lapolosa tlhaloganyo/bo rotloetsa boitlhamedu/bo tlholo ditshwantsho tse dintle/bo tsenya letseno/bo boloka setso gonne dilo dingwe ke tsa setso/bo godisa dimeusiamo kgotsa mafelo a bojanala.  
Nnyaya ga e botlhokwa gonne ga se batho botlhe ba ba ratang botaki. (2)

**PALOGOTLHE YA KAROLO YA A:** **30**

## KAROLO YA B: TSHOBOKANYO

### POTSO 2

#### **Mokgwa wa go tshwaya:**

Go tshwaya go ikaegile ka tsenyeletso ya dintlha tse di batliwang mo potsong. Tshobokanyo e tshwanetse go tshwaiwa ka mokgwa o o latelang:

- **Kabo ya maduo**
  - Maduo a le 7 a dintlha di le 7
  - Maduo a le 3 a puo
  - Palogotlhe: 10
- **Kabo ya maduo a puo fa motlhatlhojwa a dirisitse mafoko a gagwe:**
  - Leduo le le 1 = Fa motlhatlhojwa a nepile dintlha di le 1–3
  - Maduo a le 2 = Fa motlhatlhojwa a nepile dintlha di le 4–5
  - Maduo a le 3 = Fa motlhatlhojwa a nepile dintlha di le 6–7
- **Kabo ya maduo a puo fa motlhatlhojwa a nopotse: (Fano re lebeletse motlhatlhojwa yo o kgonneng go Neela dintlha di le supa.)**
  - Lefela (0) = Fa motlhatlhojwa a nopotse dintlha di le 7.
  - Leduo le le 1 = Fa motlhatlhojwa a nopotse dintlha di le 4–6
  - Maduo a le 2 = Fa motlhatlhojwa a nopotse dintlha di le 2–3.

#### **ELA TLHOKO:**

- **Palo ya mafoko**
  - Batshwai ba tshwanetse go netefatsa palo ya mafoko a a dirisitsweng.
  - A motlhatlhojwa a se jelwe maduo fa a sa tlhagisa palo e e sololetseng kgotsa fa palo ya mafoko a a dirisitsweng e fosagetse. Fa a fetile palo ya mafoko a a lekanyeditsweng, bala go fitlha ka polelo ya bofelo e e tlang morago ga tekanyetso mme o ikgatholose karolo e e setseng ya tshobokanyo.
  - Ditshobokanyo tse dikhutshwane mme di na le dintlhakgolo tsotlhe tse di tlhokegang di se ka tsa sokelwa dirope.

	<b>DINOPOLO</b>		<b>MAFOKO A A TSHIKINTSWENG</b>
1	Go botlhokwa go naya leeto la gago nako e ntsi go efoga go kgopakgopana le bakgweetsi ba bangwe fa pharakano e kgobelelane.	1	Iphe nako fa o tsaya leeto.
2	Go botlhokwa go ritibatsa maikutlo gore o tile kgopakgopetsano ya mo tseleng.	2	Diga maikutlo go efoga go kgogakgogano fa o kgweetsa.
3	Tila go kobakobana le bakgweetsi ba ba go diretseng phoso mo tseleng	3	Se sale bakgweetsi ba ba go diretseng phoso morago.
4	Ikgatholose bakgweetsi ba ba sa kgweetseng sentle, ka go reetsa letsalo la gago mme o se letle maikutlo go go tseela tshwetso.	4	Itlhokomolose bakgweetsi ba ba kgweetsang boatla.
5	Ithute go kopa tshwarelo fa o diretse mokgweetsi mongwe phoso.	5	Kopa maitshwarelo/boitshwarelo fa o fositse.
6	Fa bakgweetsi bangwe ba go supa ka menwana itshware, mme o se ba letle go tshwaetsa maitsholo a gago wa tloga wa letsakana mo go feteletseng kgotsa wa dira dikai tsotlhe tse di sa tlhokegeng, o ka tloga wa tshwana le bona.	6	Tila bakgweetsi ba ba ka senyang botho jwa gago.
7	Ka gale fa bakgweetsi bangwe ba go tshosetsa mo tseleng, se tatamale le bona, mme o siele kwa setešeneng se se gaufi sa mapodisa.	7	Se ngange le bagotshosetsi mo tseleng mme o ikgolaganye le sepodisi.

Iphe nako fa o tsaya leeto. ✓ Diga maikutlo go efoga go gogagogana fa o kgweetsa. ✓ Se sale bakgweetsi ba ba go diretseng phoso morago. ✓ Itlhokomolose bakgweetsi ba ba kgweetsang boatla. ✓ Kopa maitshwarelo/boitshwarelo fa o fositse. ✓ Tila bakgweetsi ba ba ka senyang botho jwa gago. ✓ Se ngange le bagotshosetsi mo tseleng mme o ikgolaganye le sepodisi. ✓

**Palo ya mafoko 55 [10]**

**PALOGOTLHE YA KAROLO YA B:** **10**

## KAROLO YA C: DIPOPEGO TSA PUO LE MELAWANA YA TIRISO YA PUO

### Mokgwa wa go tshwaya KAROLO C

- Mopeleto:
  - Karabo ya lefoko le le lengwe e abelwe leduo le fa mopeleto o fosagetse ntle fela le fa phoso e fetola bokao jwa lefoko.
  - Fa dikarabo e le dipolelo tse di tletseng, mopeleto o o fosagetseng o sokelwe dirope fa phoso e le mo ponagalong ya puo e e tlhatlhobiwang.
  - Fa go tlhatlhobiwa dikhutshwafatso, karabo e tshwanetse go nna le matshwao a puiso a a nepagetseng.
- Dipopego tsa polelo di tshwanetse go latela melawana ya dipopego tsa puo ka nepagalo di bo di tlhagisiwe ka dipolelo tse di tletseng/go latela taelo.
- Mo dipotsong tse go tlhophiwang karabo e e nepagetseng mo go tsona, amogela tlhaka e e nyalanang le karabo e e nepagetseng LE/KGOTSA karabo e e kwadilweng ka botlalo.

### POTSO 3

- 3.1 D/Puo e e tlhotlheletsang. (1)
- 3.2 Ga gona aterese/leina la lefelo le o ka yang go entela mofikela kwa go lona/Ga go na tshedimosetso ka dintlha tsa tlhaeletsano kwa o ka ikgolaganyang le barulaganyi ba moento kwa teng/Ga go na letlha la moento/Batshegetsi ba moento ga ba a tlhagisiwa/Tlhhwathhwa ya moento/Dingwaga tsa ba ba tshwanetseng go entiwa.  
(Di le PEDI fela). (2)
- 3.3 Go lemosa/go tsibosa/go gogela/go ngoka babuisi. (1)
- 3.4 Bona ba ile bookelong. (1)
- 3.5 Pakapheti. (1)
- 3.6 Go supa maatla a moento wa mofikela.  
(Dikarabo tsa batlhatlhojwa tse di nepagetseng di elwe tlhoko). (2)
- 3.7 Ee, gonne ke tlaa nna ke sireletsegile ka dinako tsotlhe.  
Nnyaya, morago ga moento mofikela o kgona go go fekeetsa/ditlamorago tsa moento di farologana go ya ka boitekanelo jwa batho/masole a mmele.  
(Dikarabo tsa batlhatlhojwa tse di nepagetseng di elwe tlhoko). (2)
- [10]**

### POTSO 4

- 4.1 D/Aforikaborwa. (1)
- 4.2 Go kaya fa a omana/a šakgetse/a maketse/go itlhoboga gore a ka se bone thuso/madi. (2)

- 4.3 Maikutlo a go kgobega marapo/kutlobotlhoko/tšakgalo. (1)
- 4.4 Go bontsha a sa tlhole a kgatlhegela go thusa batho/go araba dipotso tsa bona./O lapisitswe ke go araba dipotso a sa fetse. (2)
- 4.5 Go rotola matlho/Go phutha matsogo/mabogo. (2)
- 4.6 Tšelete. (1)
- 4.7 Emang mola fa! (1)  
[10]

**POTSO 5**

- 5.1 Yotlhe (1)
- 5.2 Ba ne ba ntse kwa ntle fa re goroga/mme a re go ntse ka dintwa tsa lona. (2)
- 5.3 E kgolo.  
Badisa ba bolaile e kgolo maabane. (2)
- 5.4 O ne a botsa gore a le jaanong Teofo o sa ntse a ganelo gore ke ena/o ne a botsa Teofo fa le jaanong a santse a ganelo gore ke ena. (1)
- 5.5 Go gatelela leina. (1)
- 5.6 Teofo o ne a iphitlha ka Maalomabe/Teofo o ne a batla go ikgolola ka Maalomabe. (2)
- 5.7 Fitlhela. (1)  
[10]

**PALOGOTLHE YA KAROLO YA C:** 30  
**PALOGOTLHE YA TLHATLHOBO:** 70